

ռանցն եւ արեան ճապաղիս¹ հանէին: 24 Որոց նախ եւ առաջին յառաջատեսութեանն սրբոյն, ի գառնութենէ² ի գայլութիւն փոփոխման՝ այն այր ի տոհմէն Սիւնեաց եղեւ պատճառ կորստեան բազմաց եւ կոտորածի աշխարհիս Յայոց:

ԻԱ. Եւ լուեալ զայս ամենայն բանս՝ անաւրինին Միհրնէրսեհի եւ խնդալից եղեալ, քանզի եգիտ սատար մահաթոյն եւ գրգռիչ անաւրեն իւրում մտածութեանն զայրն զդիւագգեաց զՎարազվադան, մտեալ խնդալից առ թագաւորն Յագկերտ՝ սկսաւ խաւսել ընդ նմա առանձինն եւ ասէ. «Ոչ միայն զվայելչութենէ³ շահից, եթէ ո՛րպէս ի դէպ է տերանց աւգտել ի ծառայից, զայն եւեթ հոգալ պարտ է տերանց, այլ եւ յաղագս գիւտի ոգւոց արժան է զմտաւ ածել, որով ոգիք ծառայից մի՛ կորիցեն: 2 Վասն զի որպէս դու վասն բո շահիցն եւ հարկաց փոյթ յանձին ունիս զի աւգտեսցիս՝ նոյնպէս եւ աստուածք զոգւոցն գիւտս⁴ ջերմագոյն եւս գրեն⁵ եւ կամին տեսանել: 3 Եւ աստուածոցն արժանի առնել՝ չկարէ ոք ասել զպարգեւս եւ զպատիւս, որ անպիսւոյն յաստուածոցն մթերեալ պահին. թող թէ որ ոք բազում ոգիս հնարի ի մոլորութենէ ի ճանապարհ ածել եւ զանեծս անցուցանել ընդ արդարս. փառք եւ շքեղութիւնք որ այնպիսեացն ոգւոցն ընձեռին յաստուածոցն⁶, ոչ ոք կարէ բանիւ ասել զայն եւ պատմել եւ կամ ընդ գրով բովանդակել: 4 Արդ՝ քանի՞ աշխարհք են⁷, որում դուք իշխեք աստուածաբար, եւ զոր սպանանել կամիք իշխեք⁸ եւ զորս կեցուցանել: 5 Եւ նախ առաջին՝ որպէս Յայոց մեծ աշխարհն պիտոյ է եւ աւգտակար, եւ առ նմին Վրաց եւ Աղուանիցն. եւ միայն աւգտիցն եւեթ հայիք, զոր ընդունիք յաշխարհացն. եւ որ մեծն է եւ կարելոր՝ յաղագս այնչափ կորուսեալ ոգւոց գիւտի⁹՝ զայն բնաւ եւ զմտաւ իսկ չածէք եւ ոչ հոգայք. եւ զայս ոչ գիտէք, եթէ ընդ ամենայնի այնչափ անձինն¹⁰ համար տալոց էք աստուածոցն: 6 Զի եթէ հոգայք ընդ այնչափ ոգւոյ փրկութեան՝ գիտացէ՛ք, զի աւելի քան զաստի թագաւորութեանդ մեծութիւնդ զոր ունիք, ոգւոցն բարի եւ մեծութիւն որ լինէր անդ՝ շատ աւգուտ էր ձեզ եւ պիտոյ: 7 Եւ առաւել¹¹ այլ աւգուտս մեծամեծս եւ կարելոր

1 Ձ. ճապաղիս

2 Ձ. եւ ի գառնութենէ

3 ՏՏ. ի վայելչութենէ

4 Ատ. գիւտք

5 Թերեւս՝ եւս խնդրեն

6 Ատ. յաստուածոցն

7 ՁԱտ. աշխարհ են

8 ՏՏ. կամիք յիշեք

9 ՁԱտ. գիւտի ոգւոց

10 ՁԱտ. անձինս

11 ՁԱտ. եւս առաւել